

Ri carta xutz'ib'aj ri Pablo che ri Filemón

Ri Pablo kuya pan rutzil uwach ri Filemón

¹ Ri'in in Pablo, in k'o pa cárcel ruma kintzijon puwi ri Qanimajawal Jesucristo. Junam ruk' ri hermano Timoteo kaqataq b'i wa carta che'la Filemón, ri na loq' ta k'ax kana'w e la yej lal qachb'i'il chupa ruchak ri Dios. ² Kaqaya pan rutzil kiwach ri hermana Apia y ri hermano Arequipa, ri qachb'i'il lik uya'om rib' che u'anik ruchak ri Dios,* yej kaqaya pan rutzil kiwach ri hermanos kakimol kib' pa ocho la. ³ K'ulu k'u alaq ri unimal rutzil k'u'xaj y ri utzil chomal re ri Qaqaw Dios y re ri Qanimajawal Jesucristo.

Ri rutzil uk'u'x y ri kub'ulib'al uk'u'x ri Filemón

⁴ Echiri' kan'an orar, xaqi kak'un la chi nuk'u'x y kintioxin k'u che ri Nuqaw Dios uma rilal. ⁵ Ma nutom lik k'ax kana' la ri Qanimajawal Jesucristo y lik kub'ul k'u'x la ruk' yej kak'ut la ri rutzil k'u'x la chike konoje ri kikojom rub'i!. ⁶ Ek'u ri kuaj ri'in e keta'maj la ronoje ri utz ya'tal paqaq'ab' kaqa'ano ruma xa oj jun ruk' ri Cristo, cha' jela' ri kub'ulib'al k'u'x la ruk' Rire k'o kutiqoj chike jujun chik. ⁷ Hermano, ri'oj lik kojki'kotik y lik nimirinaq qak'u'x ruma ri rutzil k'u'xaj k'utum

* **1:2** “Ri qachb'i'il lik uya'om rib' che u'anik ruchak ri Dios”: Pa ri ch'a'tem griego kub'i'ij “ri qachb'i'il pa ch'a'oj”.

la chike ri kikojom rub'i' ri Cristo, ma ruk' wa'
kowirinaq kik'u'x rike.

Ri Pablo kach'aw puwi ri Onésimo

⁸ E uwari'che, k'o kuaj kantz'onoj ko che'la. Tob' ri Cristo uya'om panuq'ab' ri'in kantaq la che u'anik ri lik ub'e, na kan'an ta wa'; ⁹ ek'u ri kan'ano e kinelaj ko che'la ruma ri rutzil k'u'x la wuk!. Ri'in in Pablo, in chi nimalaj winaq, yey wo'ora in k'o pa cárcel ruma kintzijon puwi ri Cristo; ¹⁰ kinch'aw ko chiwach la puwi ri Onésimo.[†] Rire wo'ora e nuk'ajol chupa rub'i' ri Cristo, ma wuma ri'in, rire xukoj rub'i' ri Cristo wara pa wa cárcel.

¹¹ E ri petinaq loq, ri Onésimo e jun aj chak la na xu'an ta utzilaj to'b'el che'la, no'l wo'ora e jun utzilaj to'b'el che rilal y jenela' chwe ri'in. ¹² Rire lik uk'u'x wanima'; na ruk' ta k'u ri', kantaq tanchi ub'i che'la, ¹³ tob' lik kuaj ri'in kak'oji' wuk' pak'axel rilal cha' kinuto'o janipa chi q'ij in k'o pa cárcel ruma kantzijoj ri Utzilaj Tzij. ¹⁴ Pero na jinta k'o xuaj xin'an xa chirij wi' la. We ka'an la wa kantz'onoj che'la, na kuaj taj ka'an la wa' ruma kantaq la che, ma e ri kuaj ri'in e ka'an la wa' ruma lik kalax pa anima' la.

¹⁵ Laj k'o ne xutiqoj ri xrik'owib'ej ri Onésimo, ma tob' rire xel uk' la jujun q'ij, ek'u ri' wo'ora na xa ta chi ajilam q'ij kak'oji' uk' la ¹⁶ re to'b'el e la, yey rire e jun hermano na loq' ta k'ax kana'w re.

[†] **1:10** Ri Filemón xuloq' ri Onésimo re u “esclavo”. Na ruk' ta k'u ri', ri Onésimo xanimaj b'i. Rojertan we juna esclavo ku'an wa', puq'ab' ri rajaw k'o wi kuya pa k'ax o kukamisaj. Kil “esclavo” pa vocabulario.

Ri'in lik k'ax kannal'o yey wo'ora más ne k'ax kana'rila, ma e to'b'el e la, yey rilal ruk' rire chaq' ib'alaq chupa rub'i' ri Qanimajawal.

¹⁷ E uwari'che, we kuna' k'u'x la junam qachb'il qib' chupa ruchak ri Qanimajawal Jesucristo, k'ulu k'u la ri Onésimo pacha' e ri'in ri kink'ul la. ¹⁸ We rire k'o u'anom che'la o we k'o uk'as uk' la, kojo la wa k'as pa nub'i' ri'in y jela' kantoj che'la.

¹⁹ Ri'in in Pablo, in kintz'ib'an re wa' ruk' ri nuq'ab': In kintojow re ruk'as. Na kajawax tane k'ut kankuxtaj ri k'as rilal wuk' ri'in, ma wuma ri'in xriq la ri k'aslemal chwach ri Dios, tob' wa' na kantz'onoj taj katoj la chwe. ²⁰ Hermano, rumá k'ax kana' la ri Qanimajawal; 'ana ko la wa kantz'onoj che'la. Nimarisaj k'u la ri nuk'u'x ruk' wa ka'an la che ri Onésimo. ²¹ Kintz'ib'an pan uk' la ruk' kub'ulib'al nuk'u'x, ma weta'am kik'ow ne uwi' ri ka'an la chwa wa kantz'onoj che'la. ²² Yijb'a' k'u pan la juná luwar pa kink'oji' wi, ma kub'ul nuk'u'x kinopon tanchi uk' la, we ri Dios kuya luwar kinelb'i pa wa cárcel pacha' ritz'onom alaq panuwi' chwach Rire.

K'isb'al uch'a'tem ri Pablo che ri Filemón

²³ Ri Epafras, ri wachb'il wara pa oj tz'apil wi rumá oj re ri Qanimajawal Jesucristo, kuya pan rutzil wach la. ²⁴ Jenela', kakiya pan rutzil wach la ri Marcos, ri Aristarco, ri Demas y ri Lucas, ri e wachb'il chupa ruchak ri Qaqaw. ²⁵ K'ola k'u pa anima' alaq ri unimal rutzil uk'u'x ri Qanimajawal Jesucristo. Amén.

Ri utzilaj tzij re ri kanimajawal Jesucristo

New Testament in Achi Rabinal; acr (GT:acrN:Achi)

copyright © 2009 Wycliffe Bible Translators, Inc.

Language: Achi

Dialect: Rabinal

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Achi

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-18

PDF generated using Haiola and XeLaTeX on 11 Nov 2022 from source files
dated 9 Oct 2020

c47d5e0e-42c2-5f90-9b73-ce40b05f740d